

Լրացուցիչ Ապահովության Եկամուտ (SSI) Կալիֆոռնիայում

2006թ.



Ի՞նչ է Լրացուցիչ Ապահովության Եկամուտը

Լրացուցիչ Ապահովության Եկամուտը (SSI) դաշնակցային մի ծրագիր է, որ կարիքավոր մարդկանց ամսական կանխիկ փող է վճարում: Լրացուցիչ Ապահովության Եկամուտը նախատեսված է 65 եւ ավելի տարիք ունեցող մարդկանց համար, ինչպես նաեւ որեւէ տարիքի կույրերին եւ հաշմանդամներին՝ ներառյալ երեխաները:

Այն ստանալու պայմաններին բավարարելու համար դուք պետք է ունենաք ցածր եկամուտ կամ ոչինչ եւ քիչ դրամական միջոցներ: Դա նշանակում է, որ ձեզ պատկանող իրերի արժեքը չգերազանցի 2,000 դոլար՝ եթե դուք ամուրի եք, կամ 3,000 դոլար՝ եթե դուք ամուսնացած եք: Չեր տան արժեքը հաշվի չի առնվում: Սովորաբար, հաշվի չի առնվում ձեր ինքնաշարժի արժեքը: Կարող եմ հաշվի չառնվել նաեւ որոշ այլ միջոցներ, օրինակ, գերեզմանի հողաբաժինը:

Լրացուցիչ Ապահովության Եկամուտ ստանալու համար դուք պետք է դիմեք նաեւ որեւէ այլ կանխիկ նպաստների համար, որոնք դուք կարող եք ստանալ:

Լրացուցիչ Ապահովության Եկամուտ ստանալու համար դուք պետք է ապրեք Միացեալ Նահանգներում կամ Հյուսիսային Մարիյանայի կղզիներում: Եթե դուք Ամերիկայի Միացեալ Նահանգների քաղաքացի չեք, բայց բնակիչ եք, դուք նույնպես կարող եք Լրացուցիչ Ապահովության Եկամուտ ստանալ: Լրացուցիչ տեղեկության համար կարդացե՛ք «Լրացուցիչ Ապահովության Եկամուտ (SSI) Ոչ Քաղաքացիներու Համար» հրատարակությունը (հրապարակման համար 05-11051-AM):

Կալիֆոռնիայի նահանգը գումար է ավելացնում դաշնակցային վճարումներին: Յուրաքանչյուր ամսվա սկզբման ձեր կողմից ստացված վճարումը ընդգրկում է դաշնակցային վճարումը եւ Կալիֆոռնիայից վճարվող լրացումը:

Բժշկական օգնություն

Եթե դուք ստանում եք Լրացուցիչ Ապահովության Եկամուտ, դուք ինքնաբերաբար կարող եք ստանալ նաեւ բժշկական օգնություն, Մեդիքեյլ (Medi-Cal): Մեդիքեյլի համար առանձին դիմում չի պահանջվում: Եթե Մեդիքեյլի մասին հարցեր ունեք, խնդրում ենք կապ հաստատեք ձեր տեղական շրջանային բարեկեցության գրասենյակի հետ:

Պարենային կտրոններ

Կալիֆոռնիայում Լրացուցիչ Ապահովության Եկամուտ ստացողները **չեն կարող ստանալ պարենային կտրոններ**, որովհետեւ նրա փոխարեն նահանգը գումար է ավելացնում Լրացուցիչ Ապահովության Եկամուտի վճարումներին:

Սակայն, դուք կարող եք ստանալ պարենային կտրոններ.

- Լրացուցիչ Ապահովության Եկամուտի դիմումնագրի պատասխանը սպասելու ընթացքում.
- Եթե մերժվում է ձեր Լրացուցիչ Ապահովության Եկամուտի դիմումը.
- Եթե դուք տեղափոխվում եք այլ նահանգ: Լրացուցիչ տեղեկության համար դիմե՛ք ձեր տեղական շրջանային բարեկեցության գրասենյակ:

Այլ սոցիալական ծառայություններ

Այլ ծառայություններ, որոնք դուք կարող եք ստանալ տեղական շրջանային բարեկեցության գրասենյակի միջոցով ընդգրկում են.

- Կույր կամ հաշմանդամ եղող մարդկանց օգնական շների համար հատուկ վճարում.
- Տնային աջակցության ծառայություններ, ինչպես նաեւ
- Պաշտպանիչ ծառայություններ: Լրացուցիչ տեղեկության համար դիմե՛ք ձեր տեղական շրջանային բարեկեցության գրասենյակ:

Լրացուցիչ Ապահովության Եկամուտի ամսական վճարումների գումարները

Գումարները ընդգրկում են դաշնակցային եւ նահանգային վճարումները միախառն: Բոլոր Լրացուցիչ Ապահովության Եկամուտ ստացողները չեն ստանում առավելագույն գումարը: Չեր վճարումը կարող է ավելի ցածր լինել, եթե դուք ունեք այլ եկամուտ: Այրիլից գումարները պիտի փոխվեն հետեւյալ աղյուսակի համեմատ.

Դասակարգ	2006թ. ընդհանուր ամսական վճարում (Յուն.-Մարտ / Ապր.-Տեկ.)		
Ամուրի մարդիկ	Տարեցներ	Հաշմանդամներ	Կույրեր
Անկախ ապրող անձ	\$812.00 / \$836.00	\$812.00 / \$836.00	\$877.00 / \$901.00
Ոչ բժշկական ծերանոց (board and care)	\$1,015.00 / \$1,015.00	\$1,015.00 / \$1,015.00	\$1,015.00 / \$1,015.00
Անկախ ապրող անձ առանց խոհանոցային պայմաններու	\$896.00 / \$920.00	\$896.00 / \$920.00	
Ուրիշ ընտանիքի հետ անվճար բնակող	\$620.00 / \$636.00	\$620.00 / \$636.00	\$701.00 / \$717.00
Հաշմանդամ երեխա (18 տարիքից պակաս)		\$698.00 / \$722.00	
Ուրիշ ընտանիքի հետ բնակող հաշմանդամ երեխա (18 տարիքից պակաս)		\$494.00 / \$510.00	
Տարեց կամ հաշմանդամ զույգեր			
Անկախ ապրող զույգ	\$1,437.00 / \$1,472.00		
Ոչ բժշկական ծերանոց (board and care)	\$2,030.00 / \$2,030.00		
Անկախ ապրող զույգ առանց խոհանոցային պայմաններու	\$1,605.00 / \$1,640.00		
Ուրիշ ընտանիքի հետ անվճար բնակող զույգ	\$1,175.00 / \$1,198.33		
Կույր զույգեր			
Անկախ ապրող զույգ			\$1,664.00 / \$1,699.00
Ուրիշ ընտանիքի հետ անվճար բնակող զույգ			\$1,402.00 / \$1,425.33
Կույր մարդ (կին) տարեց կամ հաշմանդամ կնոջ (ամուսնու) հետ			
Անկախ ապրող զույգ			\$1,579.00 / \$1,614.00
Ուրիշ ընտանիքի հետ անվճար բնակող զույգ			\$1,316.00 / \$1,339.33

Սոցիալական Ապահովության հետ կապ հաստատել

Հավելյալ տեղեկության համար, այցելեցեք մեր կայքէջը, www.socialsecurity.gov ուր նաեւ կարող եք գտնել մեր վեբջին հրատարակությունները: Կարող եք նաեւ զանգահարել հետեւյալ անվճար թվին **1-800-772-1213** (խոսելը եւ դժուար լսողները թող զանգահարեն հետեւյալ հատուկ TTY թվին **1-800-325-0778**): Մենք կարող ենք պատասխանել ձեր մասնաշատուկ հարցումները առաւօտյան ժամը 7-ից մինչեւ երեկոյան ժամը 7, Երկուշաբթի օրից մինչեւ Ուրբաթ: Ինքնաշխատ հեռաձայնային ծառայությամբ մենք որոշ հարցերի կարող ենք պատասխանել եւ տեղեկություններ հայթայթել օրը 24 ժամ:

Եթե Թարգմանիչի Պետք Ունեք. Մենք ձեզ համար անվճար թարգմանիչ կարող ենք տրամադրել որպեսզի դուք կարողանաք մեզ հետ ձեր գործերը կատարել: Այս թարգմանչական ծառայությունը կարող եք գտնել մեր գրասենյակներում եւ հեռաձայնի վրայ: Չանգահարեցեք մեզ հետեւյալ թվին **1-800-772-1213** եւ ճնշեք թիւ մեկը: Հեռաձայնը պատասխանող ներկայացուցիչը միացնում է ձեզ թարգմանիչի հետ որպեսզի ան օգնե՛ ձեզի: Եթե չկարողացանք հեռաձայնով օգտակար լինել, ժամադրություն ենք տալիս որպեսզի դուք այցելեք ձեր տեղական գրասենյակը որտեղ ներկայ կը լինի նաեւ թարգմանիչը:

Մենք բոլոր խօսակցությունները գաղտնի պահում ենք: Ուզում ենք նաեւ վստահ լինել թե՛ դուք ստանում եք ճշգրիտ տեղեկություն ու քաղաքավար ծառայություն: Այս պատճառով, Սոցիալական Ապահովության երկրորդ ներկայացուցիչ մը հսկում է որոշ խօսակցությունները: